

Incontro Juniores Novembru 2010

”IMI BUKA SAIDA?” (JO 1,39)

JEZÚS AKOMPAÑA ESKOLANTE SIRA ATU DESKOBRE AN RASIK

Irmaun foin-sa'e ida husu ho dúvida ba irmaun katuas ida: “Amu, esplika mai ha'u halo nusá mak ema barak mai iha rai-fuik maran atu tuir vida monástika maibé utoan de'it mak persevera, barak mak fila fali... Irmaun katuas hatán: “Akontese iha vida monástika hanesan asu ida ne'ebé halai tuir koellu ida: nia halai tuir no hakilar no hatenu forte; sira seluk mai no hamutuk ho nia halai tuir, maibé iha momentu ida sira hotu ne'ebé la haree koellu sai kole no, ida-idak sei hasees an. Sira ne'ebé haree koellu mak kontinua to'o rohan. Haree, ha'u-nia oan, ba ita irmaun sira mós akontese hanesan. Ita hahú vida monástika tan motivu kle'an no loos, maibé karik tanba motivu seluk mós: tanba iha parte ida ita kondisionadu husi ambiente, husi ema sira ne'ebé dudu ita, tulun ita, lori ita ba oin. Buat sira ne'e hotu bele iha signifikadu pozitivu ida ba tempu ruma, maibé sei to'o mai momentu maturidade nian, bainhira buat ida de'it ne'ebé bele gia ita mak esperiénsia pesoál ho Kristu”.

Istória ne'e fô hanoin fali kona-ba autór Surat ba Ebreu sira ne'ebé bolu ita atu hateke metin ba Jezús:

"Ne'e duni, maun alin santu sira ne'ebé halo parte iha vokasaun lalehan nian, fihir metin Jezús bá," (Eb 3, 1); " ...ita halai to'o rohan iha konkursu ne'ebé ita tuir daudaun, hodi haree ba Jezús ne'ebé hatudu dalan mai ita iha fiar no ita-nia fiar sai di'ak liután" (Eb 12,1-2).



Jezús rasik eduka ninia eskolante sira atu konsentra sira nia matan iha buat ida de'it ne'ebé esensiál. Iha João nia evanjellu liafuan uluk liu ne'ebé Jezús hateten mak ida-ne'e: «Imi buka saida?» Ida-ne'e lia-husu ezijente ida,

ne'ebé dudu atu klarifika motivasaun sira ne'ebé kle'an liu:

- ? imi buka saida hodi mai tuir ha'u,
- ? imi buka saida iha ha'u,
- ? se mak ha'u ba imi,
- ? saida mak imi hein husi ha'u?

Testu husi Kongregasaun ba Vida Konsagrada hanaran "*Servisu autoridade no obediência nian*" ne'ebé iha nu'udar fiu kondutór buka Maromak, temi Jezús nia lia -husu ida-ne'e ba eskolante sira no komenta:

Agostinho, depois de tinan barak moris iha komuñau íntima ho Maromak no

"Iha lia-husu ida-ne'e ita lee lia-husu radikál seluk: saida mak ó-nia fuan buka? Ba sa loos ma ó fadigadu? Ó buka hela ó-nia an rasik ka ó buka Na'i ó-nia Maromak? Ó halai tuir ó-nia mehi rasik ka Ida-ne'ebé hakiak ó-nia fuan ninia mehi no hakarak realiza mehi ne'e nu'udar Nia hatene no koñese? Ó buka buat ne'ebé liu de'it ka Nia ne'ebé la liu?"(n.4)

servisu saran an tomak ba Kreda, husu nafatin ba ninia an rasik lia-husu hirak ne'e: "Se mak Ita mai ha'u? ... No se mak ha'u ba Ita?" (Confessioni 1,5-6); "Sá mak ha'u hadomi bainhira hadomi ha'u-nia Maromak?" (X,7). Ne'e hotu mak pergunta sériu ne'ebé obriga ita atu tama iha ita-nia an rasik.



"Maromak, se mak Ita mai ha'u? No se mak ha'u ba Ita?" mak lia-husu sira, haktuir ho modu oioin ne'ebé fuan barak husu, inklui ita, "fiar-na'in sira iha Jezús Kristu, ne'ebé sente hakarak boot atu halo ema koñese ida-ne'ebé fó sentidu no esperansa ba ita-nia moris" no iha ema lubuk boot ne'ebé buka Maromak maski iha silénsiu.

Ho lia maklokek hirak ne'e ita lee evanjellu atu haree oinsá Jezús akompaña ninia eskolante sira iha sira-nia buka no laran tensaun/laran lahakmatek iha moris.

HA'U NIA REFLESAUN PESSOAL

- ☞ “Ema sira dehan katak Ha’u se loos?” “Maibé imi dehan Ha’u se loos? (Mk 8,27.29);
- ☞ “Tansá imi tauk hanesan ne'e?” (Mk 4,40);
- ☞ “Imi haksasuk malu kona sa los tuir dalan?” (Mk 9,33);
- ☞ “Imi mós hakarak ba ona” (Jo 6,67);
- ☞ “Imi hakarak katak Ha’u halo sa loos ba imi?” (Mk 10,36 ba Zebedeu nia oan na’in rua);
- ☞ “Ó hakarak hetan isin di’ak?” (Jo 5,6 al paralitico)
- ☞ “Tansá imi toba?... ” (Lk 22,46 ba eskolante na’in tolu iha Jetzemani);
- ☞ “Imi koalia ba malu kona ba sa ida tuir dalan?” (Lk 24.17 ba eskolante na’in rua husi Emaus);
- ☞ "Ó hadomi Ha’u?" (Jo 21,15-17 ba Pedro).



Madre Mazzarello mós gosta halo pergunta simples ba nia oan-feto sira ne’ebé fô hanoin fali kona-ba sira-nia haka’as an ba santidade:

Imi servisu ba sé? Ó hadomi maka’as Jezús? Imi hadomi malu tebes duni? Ó halo ona buat ruma ohin ne’ebé la’ós ba Jezús? Ó haksolok? Sá oras?...

EMA HOTU BUKA ITA



Iha evanjellu sira ita haree Jezús nu’udar “ida-ne’ebé ema barak buka”. Defaktu ema barak buka nia, ida-idak ka nu’udar grupu, ho motivasaun no intensidade lahanesan. Sira buka nia iha sirkunstánsia oioin no iha fatin barak. Nafatin iha faze hotu iha nia moris. Bainhira nia moris liurai sira mai husi dook buka nia atu bele adora nia, bibi-atan sira haruka husi manu-ain lalehan no Erodes ne’ebé hakarak atu oho nia. Bainhira adolexente iha Jeruzalém nia inan-aman buka nia ho ansia, hanoin katak nia lakon iha peregrinu barak sira-nia leet. Durante ninia ministériu públiku eskolante sira buka nia tan hakfodak ho ninia hahalok sira, husi nia parente sira ne’ebé preokupa ho nia saúde, husi sira ne’ebé terus no hein loos ninia tulun no husi ninia funu-balu sira ne’ebé prontu atu halo nia monu iha lasu. Iha tempu ikus ninia moris nian amululik no eskriba sira buka nia atu oho, Judas atu fa’an, no soldadu sira atu kaer nia. Mate tiha mós ninia belun no inimigu sira mai buka nia iha ninia rate.

No Jezús husik sira atu hetan nia? Dala ruma lae.

Ba ida-ne’ebé buka nia tuir nia ho hanoin atu hetan nia tuir nia maneira rasik Jezús reaje ho modu sistemátiku ho rekuza. Bainhira eskolante sira, haree hakarak urjente populusaun Kafarnaun nian, fô hatene ba Jezús: “Ema hotu buka ita!” Nia hatán ho modu iróniku: “Ita ba knua sira iha sorin balun ba atu Ha’u hanorin mós iha ne’ebá, basa tan ne’e mak Ha’u mai.” (Mc 1, 38).

Jezús la gosta naran boot, aplauzu, susesu, nia livre ba mai, la’o iha armonia no adezaun total ba nia misaun atu lori maksoin la’ós ba ema grupu ki’ik-oan privilejiadu sira nian, maibé ba ema hotu.

Nia hatán ho liafuan kro’at ba ema-lubun ne’ebé buka nia hotu tiha milagre paun nian: “Imi buka ha’u la’ós tanba haree sinál sira, maibé tanba imi han paun to’o bosu ”. Ba farizeu sira ne’ebé husu sinál husi lalehan Jezús dehan: “Tanba sá jerasaun ida-ne’e husu sinál? Tebes duni ha’u dehan ba imi: sei la fô sinál ida ba jerasaun ida-ne’e”.

Dala ruma Jezús dezilude espetativa imediata husi sira ne'ebé buka nia la'ós atu rejeita ho modu absolutu, maibé atu hasa'e, haluan, purifika no transforma espetativa sira-ne'e. Nia husik sira hetan nia, maibé iha fatin seluk, iha nivel seluk, ho modu diversu.


Ho lia-husu ida-ne'e ba nia inan-aman Jezús rekoñese oinsá sira buka nia ho sinseridade, simu no lori ba nivel aas liu. Nia Con questa domanda ai suoi genitori Gesù riconosce la sincerità della ricerca, l'accoglie e la ricolloca su un piano più alto. Nia halo sira-nia hahalok buka nian sai hanesan ninian ne'ebé buka nafatin nia Aman nia hakaran. Nia hakmaluk sira iha tensaun komún atu bá to'o iha objetivu ida de'it.

Tan sá imi buka ha'u? Imi la hatene katak Ha'u tenke tau matan ba Ha'u Aman-Nia sasán sira?!"

Durante ninia pregasaun itinerante, bainhira sira mai fó hatene ba nia: "Ó-nia inan no maun alin sira hela iha liur hodi buka Ó", nia hatán hodi halo sira hakfodak: «Se mak Ha'u-nia inan no maun alin sira? ... Ema ne'ebé halo tuir Maromak nia hakarak, ema ne'e mak Ha'u-nia maun alin, bin feton no inan». Jezús la rejeita ninia parente sira ka la konkorda kona-ba sira-nia hahalok hosi mai buka nia, maibé hakarak sira komprende katak: ninia família la baziea ba ligasaun raan nian, maibé ba komuñan mai husi halo tuir Maromak nia hakarak; nia uma la taka an ho didin sira, maibé nakloke ba ema hotu. Nune'e Jezús introdús membru sira husi nia família iha família boot ida ne'ebé buka Maromak nia hakarak.

Dala barak Jezús hatán ho prezente boot, lia-hatán ida ne'ebé boot liu fali lia-husu. Nia la'ós de'it "kumpre" espetativa sira, maibé haluan nia, la "satisfás" de'it hahalok buka nian, maibé tranxende, halo ema hetan nia ho modu orijinal, la hein, boot no furak liu fali buat ne'ebé ema ida brani mehi. Zakeu ne'ebé "buka atu

haree" Jezús ne'ebé liu hodi sa'e ai-hun ida, simu surpresa boot ba ninia espetativa ho Jezús nia vizita ba nia uma: pozisaun sira nakfilaktiha: loloos la'ós Zakeu mak buka Jezús, maibé Jezús mak buka Zakeu, tanba nia mai "atu buka no salva ida-ne'ebé lakon".



JEZÚS AKOMPAÑA ESKOLANTE SIRA HODI HALO PERGUNTA BA SIRA

Atu halo eskolante sira konxiente kona-ba sira-nia an rasik (nia lia-loos), sira-nia diresaun iha moris, sira-nia mehi nia espetativa, no harahun espetativa superfisiál hodi tama kle'an liután iha an rasik, Jezús dala barak uza métodu hahusuk nian,

☞ "Tan sá imi hanoin hanesan ne'e iha imi-nia laran?? (Mk 2,8)

☞ "Tan sá imi koko Ha'u? (Mk 12,15)

☞ "Iha ukunfuan hakerek saida?" (Lk10,26) Oinsá ita lee? " (Lk 10,26).

Parte boot husi Jezús nia hahusuk sira iha finalidade atu estimula reflesaun, hahusuk sira-ne'e dala ruma la husu resposta verbál, maibé provoca dadokok (doko) no movimentu interiór.

Ezemplu ruma:

☞ "Tansá imi bolu ha'u 'Na'i, Na'i', maibé la halo tuir buat ne'ebé Ha'u hateten? (Lk 6,46),

☞ "Maibé bainhira Oan Mane sei fila hikas mai, Nia sei hetan fiar iha raiklaran ka lae?" (Lk 18,8).

☞ "Ha'u sei tanesan ema sira otas ne'e nian ho se loos? (Lk 7,31),

☞ "Tansá o hare du'ut lahan ida iha ó-nia maluk nia matan, maibé la hare ai-kabelak ida iha ó-nia matan rasik?... " (Mt 7,3-4);

☞ "Ema ida manan loos sá bainhira nia manan mundu tomak, maibé ikus mai lakon nia klamar? " (Mt 16, 26);

☞ "Imi-nia moris la folin liu hahán no isin liu fali hatais? .. " (Mt 6,25);

☞ "Tan sá ó dehan katak Ha'u di'ak? ... " (Mk 10,17);

☞ "Tansá imi hanoin katak Ha'u hateten ne'e tanba paun la iha? Imi seidauk hare no komprende? Imi nia fuan sei la hatene?" (Mc 8,17);

☞ "Tansá imi halo terus nia [feto ida-ne'e]?" (Mk 14,6);